

Na osnovu člana 61. Zakona o upravi („Službeni glasnik BiH“, broj 32/02 i 102/09), člana 19. stav 2. tačka a) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), te člana 29. Zakona o putnim ispravama Bosne i Hercegovine („Službeni glasnik BiH“, broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 i 60/13), direktor Agencije za identifikacione dokumente, evidenciju i razmjenu podataka Bosne i Hercegovine donosi

U P U T S T V O

O POSTUPANJU U SLUČAJEVIMA KADA SE PRIVREMENO NE MOGU UZETI OTISCI PRSTIJU U POSTUPKU IZDAVANJA PUTNIH ISPRAVA

Član 1.

(Predmet)

Ovim Uputstvom se propisuje postupak u slučajevima kada se privremeno ne mogu uzeti otisci prstiju u postupku izdavanja putnih isprava, izdavanje putne isprave sa kraćim rokom važenja i način upisivanja podatka o tome.

Član 2.

(Nadležnost)

U slučajevima kada se privremeno ne mogu uzeti otisci prstiju, izdat će se putna isprava s kraćim rokom važenja.

Član 3.

(Putna isprava s kraćim rokom važenja)

U slučajevima iz člana 2. ovog Uputstva izdaje se putna isprava sa rokom važenja od jedne godine.

Član 4.

(Upisivanje podatka u putnu ispravu)

Podatak da je putna isprava izdata državljaninu od kojeg se privremeno ne mogu uzeti otisci prstiju nadležni organ upisuje na stranici u putnoj ispravi - „bilješke“. Na navedenoj stranici stavlja se otisak štambilja na kojem je tekst sljedećeg sadržaja:

„Putna isprava izdata u skladu sa članom 29. stav (4) Zakona o putnim ispravama Bosne i Hercegovine“.

Naprijed navedeni tekst ispisuje se na zvaničnim jezicima i pismima koja su u upotrebi u Bosni i Hercegovini i na engleskom jeziku.

Član 5.

(Stupanje na snagu)

Ovo Uputstvo stupa na snagu osmog dana od dana objavljivanja u „Službenom glasniku BiH“.

Broj 15-03-02-2-895/13
03. oktobra 2013. godine

Direktor
Mr. **Siniša Macan**, s.r.